



UNIVERSITÄTS-  
BIBLIOTHEK  
PADERBORN

# **Vita Et Doctrina Jesu Christi**

**Avancini, Niccolò**

**Coloniae Agrippinae, 1689**

Formvlæ Aliqvæ Affectvvm.

---

[urn:nbn:de:hbz:466:1-59970](https://nbn-resolving.org/urn:nbn:de:hbz:466:1-59970)

M  
FORMVLÆ ALIQVÆ  
AFFECTVVM.

Ad-  
atio-  
Na-  
a ea  
hri-  
iam  
ctā  
oris.  
re-  
per-  
um,  
ven-  
post  
si-  
vel  
itius  
pus  
uias  
ati,  
res  
rum  
tus:  
pui,  
R-

Cum voluntas naturâ cœca sit, nec in ul-  
lum affectum erumpat, nisi prævi-  
eam intellectus manuducat, necessarium  
omnino erit ad fructuosam meditationem,  
ut persuasissimam tibi reddas veritatem ali-  
quam practicam, quam sive ex verbis & do-  
ctrina, sive ex facto & exemplo Christi erui-  
sti. Idq; rationibus quidem etiam naturali-  
bus, potissimum tamen, ac principaliter actu  
fidei supernaturalis; qui est principium non  
tantum præctiarum conclusionum in in-  
tellectu, sed etiam motuum omnium & af-  
fectuum supernaturalium in voluntate.

AFFECTVS VIRTVTVM  
THEOLOGICARUM.

*Fides* Credo, Domine, credo. Tu adjuva  
incredulitatem meam. Suggestit alia mun-  
dus, caro, dæmon: non credo. Verbum  
tuum manet in æternum. Pro hoc exige à  
me Domine sanguinem, exige spiritum: ecce  
paratum cor meum Deus, paratum cor  
meum. Mille gladiis, ignibus, rotis exhibeo  
hoc corpus, ut tua stet illæsa veritas.

2. Quis me separabit ab hac Veritate?  
Certus sum, quòd nec gladii, nec cruces, nec  
tela, nec ignes, nec inferorum tormenta me  
poterunt ab ea separare. Tua veritas Deus  
fallere non potest, tua sapientia falli non

valeat Tu dixisti : Satis hoc mihi est præ  
omni ratione humana , ut etiam sanguine  
subscribam.

*Spes* Quare tristis es anima mea? & quare  
conturbas me? Habes bonitatem Dei & mi-  
sericordiam paratam, quæ vult; habes omni-  
potentiam assistentem , quæ potest opitu-  
lari, habes sanguinem & merita Christi, quæ  
pro te apud æternum Patrem perorant. Pro-  
jice te ergo anima mea in brachia miseri-  
cordiæ & omnipotentiae Dei. Quàm nihil  
potes ex te, tam omnia potes in eo, qui te  
confortat.

2. In te Domine speravi : & quis mundi  
impetus, quæ carnis illecebra, quæ dæmo-  
num astutia prævalebit? non, ut confundar  
in æternum. In te Domine speravi : quod vi-  
tium non extirpabo ? quam virtutem tuâ  
gratiâ non assequar? &c Dicant omnia ossa  
mea; tu es spes mea, Deus meus in æternum.

3. Si Deus pro me, quis contra me? Si ex-  
surgant adversum me castra , non timebit  
cor meum. Si consurgat adversum me præ-  
lium, in hoc ego sperabo, quia scit infinita  
sapientia, potest infinita omnipotentia, vult  
infinita bonitate mihi auxiliari.

*Charitas* Domine tu scis, quia amo te:  
quoniam tu solus bonus, tu solus sanctus, tu  
solus dignus omnium creaturarum amore.  
Supplete vos ardentia Cherubim, tu arden-  
tior Cherubinis Virgo, quicquid deest amori  
meo.

meo. O vivam! O moriar amore tui! Moriar  
potius, quam te non amem.

2. Domine, quid mihi est in cœlo, & à te  
quid volui super terram? Tu solus Deus  
cordis mei, & pars mea Deus in æternum.  
Diligam te Domine, non quia mihi benefi-  
cus, aut remunerator liberalissimus; sed  
quia in teipso es summa & infinita bonitas,  
sola, & una super omnia amabilis. Moriar,  
Domine, hoc momento, quo te amo, prius-  
quam succedat aliud, quo te non amem.

3. Exigis à me cor meum, Domine. O si  
mille, O si infinita haberem! omnia tui unius  
amore occuparem. Vis amorem operibus  
experiri? confunde me, contunde me, con-  
tere me, in infernum demerge me; non di-  
mittam te, &c.

4. Serò te amavi pulchritudo mea tam no-  
va, & tam antiqua: serò te amavi. Sed neque  
nunc te amo ut debeo, neque amo, ut ama-  
re desidero. Infinities, infinities te amare  
vellem, eoque amore, si fieri posset, quo te-  
ipsum amas; quia hic solus amor tuam ama-  
bilitatem æquat, &c.

## ALPHABETUM AFFECTUUM, PRO VIA PURGATIVA.

**A**bjectio sui ad pedes Jesu.  
Abjuratio imperfectionis.  
Accusatio tui.

\* §

Ad-

Admiratio patientiæ divinæ.  
Angor de culpa.  
Communicatio cum Deo.  
Comparatio tui cum Sanctis, damnatis, dæ-  
monibus, &c.  
Confessio humilis.  
Confusio tui.  
Contemptus mundanorum.  
Contritio.  
Deprecatio.  
Desiderium satisfaciendi.  
Detestatio.  
Diffidentia sui  
Exhortatio sui ipsius.  
Exprobratio.  
Fiducia.  
Gratiæ imploratio.  
Gratitudo  
Humiliatio & annihilatio tui.  
Indignatio.  
Invocatio Sanctorum.  
Lamentatio ad Deum & Sanctos.  
Mendicatio spiritualis à Deo & Sanctis.  
Odiurni tui & culpæ.  
Pavor.  
Propositum.  
Querelæ cum Deo, Sanctis & creaturis.  
Reprehensio.  
Sollicitudo.  
Timor iræ divinæ.  
Vindicta in te ipsum.

EXEM-